



Locutio Dei Ad Cor Religiosi

Pawłowski, Daniel

Dilingæ, 1686

III. Meditatio: de Iudicio Dei universalis.

[urn:nbn:de:hbz:466:1-60052](#)

redux ad se , & à morbo liber factus , perau-
steram duxerit vitam , rigorēmque hunc dis-
suadentibus nonnullis , dicere solitus fuerit ;
*Si Matrem exprobrantem ferre non potui , Iudi-
cem Christum exprobrantem in die iudicij quomo-
do feram ? Hinc disce , Religiose , etiam ipsum
Religious statum tibi timendum esse ,
si in eo , non ut par est , vixeris ; plus enim
à te requirit Deus , quam à sacerdatis.*

DIEI QUINTÆ MEDITATIO III.

De Judicio Dei Universali.

Comptere Meditationem hanc Exercitijs
spiritualibus , innuit S. P. N. ad initium Me-
ditationis primæ hujus diei relatus .

**ORATIO PRÆPARATORIA , &
PRÆLUDIUM I. ut supra**

PRÆLUDIUM II. Pete à Deo gra-
tiam , imprimendi animæ tuæ sonum illum
tubæ : *Surgite mortui , venite ad judicium !*

PUNCTUM I. Audi Deum dicentem ,
*Ioél. 3. Congregabo omnes gentes , & deducam
eas in vallem Josaphat.* Hoc audiens , conside-
ra præcipua ex ijs , quæ præcedent Judicium
universale . 1. ad sonum tubæ aperientur mo-
numenta , animæque reunientur corporibus .
Ah ! quid anima damnati dicet reassumendo

cor-

corpus enormissimum ! quomodo illud maledicet , quod propter ejus oblectationes damnata sit. E contra , quomodo anima iusti benedicet corpus suum , quod illi instrumentum fuit ad salutem per mortificationes , &c. 2. damnati ad intuitum signi Crucis in aere apparentis clamabunt : montes , cadite super nos , &c. Justi autem dicent , O Crux ave spes unica ! 3. dum videbunt damnati iustos occurrere Christo in aera , movebuntur pœnitudine inutili , dicentesque : Nos stulti , vitam illorum estimabamus insaniam , &c. ecce , quomodo computati sunt inter filios Dei ! transierunt omnia , nos autem æternum miseri ! vide , inter quos ex his , Religiose , velis esse .

II. Audi Deum dicentem Ezech. 7. Nunc finis super te , & judicabo te juxta vias tuas . Hoc audiens considera præcipua ex ijs , quæ peragentur in illo judicio. 1. Pauperes spiritu , & re (quales sunt Religiosi) erunt Judices aliorum : ô quanta felicitas ! 2. manifestabuntur peccata singulorum hominum toti mundo quæm igitur demens , qui modò non manifestat in Confessione ? 3. Separabit Christus Agnos ab hædis : Et ubinam stabis Religiose ? si tantum materialis , & veste solâ religiosus es , dexteram non spera . 4. Feret sententiam Judex , dicentesque Agnis : Venite benedicti Patris mei , possidete regnum , &c. hædis autem ; Discedite à me maledicti in ignem æter-

E Z num ,

num, &c. Expende singula verba, præsertim illud, *Venite, respondens vocationi;* Et illud, *Discedite, respondens dimissioni.*

III. Audi Christum dicentem, *Matth. 25.*
Et ibunt hi in supplicium æternum; justi autem in vitam æternam: expendéque singula verba,
 1. *Et, significans continuationem pœnæ cum decreto immutabili;* nunquam ex isto *Et,*
fiet Vel. 2. ibunt: in æternitate solùm est progressus, terminus nunquam. 3. *Hi, ne communi quidem termino digni, qui à Deo exciderunt.* 4. *in supplicium æternum, pro momentaneis vanitatibus.* 5. *Iusti autem, &c.* quam magna merces, pro tantillis laboribus! Jam quantus erit damnatorum ejulatus, dum incipient evanescere ex oculis eorum, in cœlum eentes eorum olim amici, socij, &c. condiscipuli, connovitij, conreligiosi, &c. Hisne non moveberis?

COLLOQUIUM. Institue his verbis: *Cum veneris judicare, noli me condemnare!* Per illud judicium, quo apud Pilatum iniquè judicatus es Domine Jesu, parce servo tuo! &c.

In fine, Pater, Ave, & Anima Christi, &c.

DIES SEXTA

S. Patri nostro Ignatio consecranda.

Oratio jaculatoria hujus diei erit ista:
IESVS & MARIA, dulcissimi amores mei, patiar

tiar ego , moriar ego amore vestri , totus sum ve-
stier , nullus meus ! Ex vita manuscripta Al-
phonsi Rodriguez.

MEDITATIO I.

De Regno IESU Christi.

Ab hac Meditatione Hebdomadam sed
cundam Exercitiorum spiritualium, S. P. N.
orditus est.

ORATIO PRÆPARATORIA , &

PRÆLUDIUM I. ex Exercitijs S. P.
N. desumendum , ut spectare nos imagine-
mur Synagogas , villas & oppida , quæ præ-
dicans Christus pertransibat .

PRÆLUDIUM II. itidem ex S. P. N. ut
nempe petamus à Deo , ne obsurdescamus ,
vocante nos Christo , sed ad sequendum &
obtemperandum prompti simus .

PUNCTUM I. Considera , si Rex ali-
guis , divinitus electus in Principem & Du-
cem omnium Christianorum , omnibus do-
tibus regiis ornatus , suaderet suis subditis ,
ut cum eo ad subjugandos infideles , magna
sibi damna , & illis maiora inferentes , ad
bellum pergerent , promitteretque illis , se
ad omnia incommoda primus futurum ,
nec aliter victurum , quam illi , nec trium-
phaturum sine gloria eorum . Quid subditi
illi tam bono Regi responderent ? quomodo
se